

MEFUTA YOHLE YA LEKENO LA RENTE E TLAMEHA HO TSEBAHATSWA HO SARS

Tshwane, 11 Tihakubele 2021 – Ditshebeletso tsa Lekgetho tsa Afrika Borwa (SARS) di lakatsa ho eletsa beng ba matlo a leng ka hara Afrika Borwa mme ba amohela baeti ba lefelling bodulo hore lekeno la rente leo ba le fumanang le tlameha ho tsebahatswa dikgutlisong tsa bona tsa lekgetho la lekeno.

Ona ke motheo o tshwanang o amang motho ofe kapa ofe ya nang le lekeno la rente ka lebaka la ho rentisa bodulo ba hae mme sena se ba beha tlasa boitlamo bo tshwanang ba ho tsebahatsa lekeno le jwalo la rente ho SARS.

Mongabodulo o boela a hloka ho ingodisa jwalo ka morekisi wa VAT mmoho le boitlamo bo tsamaisanang le sena, ebang lekeno la nakwana la rente le feta R1-million nakong ya dikgwedi tse 12.

SARS e sebetsa ka thata ho fana ka tlhakisetso le netefaletso ho balefalekgetho ho ba thusa ho ikobela boitlamo ba bona ha bonolo. Re bile re tsitlallela ho nolofaletsa balefalekgetho ba ikemiseditseng ho ikobela molao dintho. Tsela ya rona haesale e le ho netefatsa hore molefalekgetho ka mong o lefa karolo ya hae ntle le leeme.

Le ha ho le jwalo, ka mokgwa o tshwanang re tla thafalletsa le ho etsa hore ditjeo e be tse hodimo bakeng sa balefalekgetho ba sa ikobeleng boitlamo ba bona. Re sebetsa ka thata ho ntlafatsa bokgoni ba mokgwatshebetso wa rona hore re tsebe ho fokisa balefalekgetho ba sa ikobeleng tefo ya lekgetho ka ho sebedisa *data* hore re hlaole tse ka re behang ka mosing.

Bopaki ba ha jwale bo bontshitse tlokeho ya ho tsepamisa maikutlo hodima ho ntlafatswa ha boikobelo lekaleng lena la beng ba bodulo ba fumanang lekeno ho tswa baeting ba bona ba ba lefang.

Beng ba bodulo, bao ho fihlela kajeno, ba eso tsebahatseng lekeno la bona la rente ba kgothaletswa ho lokisa merero ya bona hanghang. Balefalekgetho ba amehang ba ka ikgethela Lenaneo la Tsebahatso ya Tsohle ka Boithaopi (VDP) le fanang ka diphelelo tse ntle. Ho hloleha ho lokisa merero ya hao jwalo ka molefalekgetho ho ka o beha ka mosing mme ebang ba ka kgethelwa oditi ke SARS, ke moo ho tla bang le mehato e matla teng.

Molemo wa ho sebedisa VDP ke hore e fana ka diphelelo tse ntle ha ho tluwa ho tsa hlahlobo ha ho shejwa tse mabapi le bokaalo ba dikotlo.

Balefalekgetho ba hopotswa hore ho hloleha ho ikobela boitlamo ba bona ba lekgetho ho ka nna ha ba bakela hore ba nkelwe mehato ya taolo hodima tswala, kapa le ho nkelwa mehato ya bonokwane.

Yuniti ya VDP e mane SARS e ka fihlellwa ka kotloloho ho VDP@sars.gov.za.